

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 261098 25 St
Zenica, 10.11.2025. godine

Općinski sud u Zenici, stečajni sudija Samra Spahić-Drino, u stečajnom postupku nad stečajnim dužnikom „SAF-TRANS“, d.o.o. Jelah bb - Tešanj, Trgovina, promet i usluge, sa sjedištem na adresi Jelah bb, Jelah, matični broj subjekta upisa 1-7955, nakon održanog ročišta, dana 10.11.2025. godine, donio je:

RJEŠENJE

Otvora se stečajni postupak nad imovinom stečajnog dužnika „SAF-TRANS“, d.o.o. Jelah bb - Tešanj, Trgovina, promet i usluge, sa sjedištem na adresi Jelah bb, Jelah, matični broj subjekta upisa 1-7955, JIB: 4218132140006, glavni račun stečajnog dužnika broj 1990460003147165 otvoren kod Sparkasse bank d.d. BiH, dana 10.11.2025. godine u 15,00 sati.

Za stečajnog upravnika, sa liste stečajnih upravnika, imenuje se Nura Soldin iz Zenice, ulica Talića brdo broj 1 A.

Nalaže se stečajnom dužniku i trećim licima da stečajnom upravniku predaju u posjed imovinu i dokumentaciju stečajnog dužnika, koja je u njihovom posjedu.

Pozivaju se povjerioci da u roku od 30 dana, od dana objave ovog rješenja u Službenim novinama Federacije BiH, prijave svoja potraživanja, koja imaju prema stečajnom dužniku, podnošenjem prijave Općinskom sudu Zenica na broj 43 0 St 261098 25 St, uz uplatu sudske takse u iznosu od 1% od vrijednosti potraživanja, ali ne manje od 50,00 KM, niti više od 10.000,00 KM na račun budžeta ZE-DO kantona broj: 134-010-0000001672, vrsta prihoda 722221, budžetska organizacija 1606001, općina 103.

Podnosioci prijave uz prijavu trebaju navesti firmu i sjedište, odnosno ime i prezime, prebivalište ili boravište povjerioca sa adresom, pravni osnov i iznos potraživanja, broj transakcionog poslovnog računa ili nekog drugog računa povjerioca, jedinstveni identifikacioni broj, matični registarski broj pravnog lica i jedinstveni matični broj fizičkog lica, odnosno podatke u skladu sa članom 174. Zakona o stečaju.

Pozivaju se povjerioci da stečajnog upravnika, u roku od 30 dana, obavijeste koja prava osiguranja potražuju na predmetima imovine stečajnog dužnika i na kojim predmetima se potražuje pravo osiguranja, vrsta i razlog nastanka prava osiguranja, kao i osigurano potraživanje.

Pozivaju se lica koja imaju obaveze prema stečajnom dužniku, da ih bez odgađanja izvršavaju prema stečajnom dužniku.

Nalaže se registru poslovnih subjekata ovog suda da uz firmu ili naziv stečajnog dužnika izvrše upis oznake „u stečaj“, a u rubrici „lica ovlaštena za zastupanje subjekta upisa“ umjesto imena i prezimena direktora, upis imena i prezimena stečajnog upravnika.

Ispitno i izvještajno ročište u ovom postupku zakazuje se za dan četvrtak, 12.2.2026. godine u 10,00 sati, u zgradi Općinskog suda Zenica, te se na isto pozivaju povjerioci stečajnog dužnika, koji podnesu prijavu potraživanja, kao i stečajni upravnik.

Rješenje o otvaranju stečajnog postupka objaviti će se na oglasnoj tabli suda, web stranici suda-elektronskoj tabli suda, na internet stranici FIA-e, a u „Službenim novinama“ Federacije BiH objaviti će se izreka rješenja. Kopija rješenja dostavit će se nadležnom tužilaštvu, Poreskoj upravi Federacije BiH i Upravi za indirektno oporezivanje Bosne i Hercegovine.

Obrazloženje

Zastupnik po zakonu, koji je i osnivač, „SAF-TRANS“, d.o.o. Jelah bb - Tešanj, Trgovina, promet i usluge, podnio je 27.5.2025. godine, ovom sudu prijedlog za otvaranje stečajnog postupka, nad navedenim privrednim društvom.

Na ročištu za ispitivanje uvjeta za otvaranje stečajnog postupka održanom 6.11.2025. godine privremeni stečajni upravitelj Begagić Jasmin izjavio je da su uvidom u dokumentaciju stečajnog dužnika u toku prethodnog postupka, prema bilansu stanja za 2024. godinu utvrđene obaveze u iznosu od 134.233,00 KM, a izvršenim uvidom u dokumentaciju stečajnog dužnika zaključno sa 31.8.2025. godine utvrđene su obaveze kako slijedi: prema PU FBiH, Porezna ispostava Tešanj po osnovu duga javnih prihoda iznos od 24.481,12 KM, prema MF Banci po osnovu kreditnih zaduženja iznos od 7.875,86 KM, po osnovu pozajmica iznos od 22.110,43 KM, te po osnovu duga prema dobavljačima iznos od 25.962,00 KM, od čega je u zastari iznos od 20.962,00 KM. U odnosu na imovinu stečajnog dužnika uvidom u Potvrdu zemljišnoknjižnog ureda Općinskog suda u Tešnju i Informaciju Službe za katastar, urbanizam i imovinsko pravne poslove Općine Tešanj, kao i poslovnu dokumentaciju stečajnog dužnika utvrđeno je da isti nema niti u vlasništvu niti u posjedu svojih nekretnina, dok je u odnosu na drugu imovinu uvidom u poslovne knjige utvrđeno je da se kao dugoročna imovina vodi postrojenja, oprema i namještaj u ukupnom iznosu od 391,00 KM, a što se odnosi na namještaj: stol, stolice, klima uređaj, štampač, što na adresi sjedišta društva nije pronađeno, s obzirom da stečajni dužnik nema više poslovne prostorije, jer je ranije koristio prostorije u privatnoj kući. Prema iskazu direktora ista imovina je raashodovana i nije u posjedu stečajnog dužnika. Dalje je izjavio da je u odnosu na druge pokretne stvari, uvidom u dopis Mup-a Ze-do kantona, Odsjek za administraciju Tešanj utvrđeno da pravno lice „SAF-TRANS“ d.o.o. Jelah ne posjeduje registrovana motorna vozila. U odnosu na druga potraživanja, uvidom u analitičke kartice kupaca za period od 2022. godine do 31.8.2025. godine utvrđena su potraživanja u ukupnom iznosu od 142.071,81 KM, od čega je većina u zastari jer su ista nastala prije 2022. godine, i to iznos od 131.742,62 KM. Iznos od 10.329,19 KM, a koji nije u zastari odnosi se na potraživanja u BiH i inostranstvu, te je neizvjesna naplata istog s obzirom na upitnu likvidnost dužnika. Uvidom u Izvještaj o računim poslovnog subjekta dostavljen od Centralne banke na dan 4.9.2025. godine, utvrđeno je da stečajni dužnik ima otvorene transakcijske račune kod tri banke svi blokirani, dok je glavni račun otvoren kod Sparkasse Bank d.d. blokirani dana 18.3.2025. godine. U skladu sa gore navedenim, te činjenici da stečajni dužnik ne posluje niti ostvaruje prihode, da mu je račun blokirani više od šesdeset dana prije dana podnošenja prijedloga za pokretanje stečajnog postupka, smatra da isti nije pokrenut u zakonskom roku od 60 dana od dana nastupanja platežne nesposobnosti, da postoji razlog za otvaranje stečajnog postupka, a to je platežna nesposobnost stečajnog dužnika. U odnosu na imovinu smatra da u ovom momentu, uzimajući u obzir eventualnu stečajnu masu, ne postoji imovina u bilo kojem obliku da se trenutno pokriju niti djelimično troškovi otvaranja i vođenja stečajnog postupka koji bi po procjeni privremenog stečajnog upravnika iznosili 5.000,00 KM. Na upit suda u pogledu iznosa imovine, odnosno potraživanja koja nisu u zastari i koja bi bio dovoljna za podmirenje troškova stečajnog postupka, a u pogledu naplate istog te činjenice da li bi se taj iznos mogao naplatiti izjavio je da u odnosu na potraživanja stečajnog dužnika uvidom u knjigovodstveno stanje te analitičke kartice zaključno sa 31.8.2025. godine utvrđeno je potraživanje u iznosu od 142.071,81 KM od čega je prema istim u zastari iznos od 131.742,62 KM ostali iznos od 10.329,19 KM nije u zastari te se isti odnosi na potraživanja prema povjeriocima u BiH i inostranstvu, ali likvidnost istih nije istraživao pa s obzirom na prednje postoji mogućnost naplate navedenih potraživanja iz kojih bi se eventualno naplatili troškovi stečajnog postupka. Zastupnik po zakonu stečajnog dužnika izjavio je da je saglasan sa prijedlogom privremenog stečajnog upravnika.

Nakon što su cijenjeni svi dokazi priloženi uz prijedlog, te izvještaj privremenog stečajnog upravnika o ekonomsko-finansijskom stanju imovine stečajnog dužnika, navodi privremenog stečajnog upravnika, utvrđeno je da je prijedlog za pokretanje stečaja dopušten, da zbog nesolventnosti i nelikvidnosti dužnika postoji stečajni razlog za provođenje stečaja, te da se iz imovine društva mogu finansirati troškovi stečajnog postupka.

Zbog navedenog, sud je shodno odredbi člana 102. stav 6. u vezi sa članom 6. Zakona o stečaju¹ odlučio kao u izreci rješenja.

U skladu sa odredbom člana 108. Zakona o stečaju, sud je naredio registru poslovnih subjekata da uz firmu ili naziv stečajnog dužnika izvrše upis oznake „u stečaju“, a u rubrici „lica ovlaštena za zastupanje subjekta upisa“ umjesto imena i prezimena direktora, upis imena i prezimena stečajnog upravnika.

Sud je pored navedenog ovim rješenjem odredio dan i sat otvaranja stečajnog postupka, imenovao stečajnog upravnika sa liste stečajnih upravnika, pozvao povjerioce stečajnog dužnika da prijave potraživanja i povjerioce sa pravom osiguranja da obavijeste stečajnog upravitelja o svom pravu, te dužnike stečajnog dužnika da bez odlaganja izmire svoja potraživanja, te je odredio i dan i sat za koji je zakazano ispitno i izvještajno ročište, sve u skladu sa odredbama Zakona o stečaju.

PRAVNA POUKA

Protiv ovog rješenja stečajni dužnik može izjaviti žalbu u roku od 8 dana od dana dostavljanja rješenja, Kantonalnom sudu Zenica, a putem ovog suda.

Stečajni sudija:

Samra Spahić-Drino,s.r.

¹ „Službene novine F BiH“, broj: 53/21